



UPA 2020/95 – UPA 2020/93

19/5-2020

Malene Vahl Rasmussen

**Peqqinnissamut, suliniuteqarnissamut aningaasaqarnikkullu tunngasutigut qanoq ililluta Corona-virusimut nutaamut siammasissumik tunngavilersukkamik, qaffasissumillu periusissamik qulakkeerinninnissatsinnut oqallisissatut siunnersuut.**

(Inatsisartunut ilaasortaq Tillie Martinussen, Suleqatigiissitsisut)

**Qanoq iliorluni coronavirusip nunatta aningaasaqarneranut eqquinerllunnera annikinnerpaamiitsinniarlugu nunatsinneersunik atuinerup annertunerpaamiitsissinnaanera pillugu**  
(Siumup Inatsisartunut ilaasortaatitai)

Demokraatinit nuannaarutigaarput Siumut aammalu Suleqatigiissitsisut Coronavirusip aningaasarsiornerup politikkianut ajornartoortitsinera oqallisigerusussimammassuk.

Nunatut nappaat Covid-19 anigorluarsimavarput, illuatungaatigulli virusip aningaasatigut kingunerisinnaasaanit sakkortuumik eqqorneqarsinnaavugut. Peqqinnissaqarfitsigut piareersimanerput iluatsilluarsimavoq. Massakkulli aningaasatigut qanoq piareersimatiginerluta takutittariaqalerparput.

Nioqquteqarfik ataasiinnaq Coronamit eqqugaasussaanngilaq. Nioqquteqarfiit tamarmik eqqugaassapput, tassalu massuma aningaasarliorluinnarfiup immikkuullarissusaa. Aningaasaqarnermut Siunnersuisoqatigiit aningaasarsiornikkut siuariartornissaraluutta apparujussuarnissaa takorlooraat, aningaasarsiornikkut ajornartorsiulerup nalaali nalaassimasatsinnit suli sakkortunermik, tamannalu assut isumakulunnarpooq.

Maannalu tamatumuuna Naalakkersuisut qutsavigerusuppakka inuussutissarsiortut assigiinngitsut massakkorpiaq aningaasatigut annasaqaqjussuarsimasut ikiorsimammagut. Pitsaanerusumilli iliortoqarsinnaasoq aamma ilanngutilaarusuppara.

Innuttaasut nalinginnaanngitsorsuarmik mianersorsimapput, Demokraatiniillu qutsavigerusuppagut.

Qanorluunniit Coronamit eqqungaatigigaluarutta aningaasarsiornikkut artorsartinneqassaagut. Ajornerpaaffiani aningaasanik allanit atortariaqalersinnaassuugut, taamaalillatalu 1989-imiit siullerpaamik akiitsoqalersinnaalluta.

Aningaasaqarnermut Ataatsimiitaliami Naalakkersuisunilu ilimanaannartumik aningaasanik milliunilikkaanik pingasunik naleqartunik nassaartariaqalissagunarpugut.

Inuussutissarsiornikkut ajornartorsiorerup kingorna nukittunissaq pisariaqarluinnarpooq, taakkumi siunissami annattussaammatigut, taakkummatalu aningaasarsiornikkut siuariartortitseqqittussaasut.



Taamaammallu isumaqarpugut suut tamarmik "nice to have"- iusut (pilerinartut) ppiarneqassasut. "Need to have" - iinnaat (pisariaqvassisut) aallutissavagut, pisortallu suliassaminnik kivitsisinnaanissaat innuttaasunullu sullissineq pisariaqavissoq tunniussinnaanissaat qulakkeertariaqarparput. Naatsunnguamik oqaatigalugu pingarnertut suliassaatigut qimerloortariaqarparput, taakkununngalu sinaakkutaasut qaangernaveersaarlugit. Periarfissatsialaavoq sannaata allanngortinnissaanut aaqqissuussisimanerlu sunniuteqarluarningortillugu aaqqissuuteqqillugu.

Demokraatini isumaqarpugut nunatsinni innuttaasunut inuuniarneq akisunerulissangitsoq, aningaasallu akileraarutitit akitsuutitillu aqqutigalugit aaneqassanngillat.

Ikiorsiissutinut peqqinnissaqarfimmullu aningaasartuutit taamaallaat aningaasanik nassaarniarfigisussaanngilagut. Aamma ajornartorsiornerup aningaasatigut kingunerisimasaanut aningaasanik naassaarniartariaqarpugut. Piffinni taamak ittuni iliuuseqarnissamut nukissaqarluarnissaq akisussaaffeqarnissarlu pisariaqarluinnarpooq. Taamaammallu kinguaassatta akiligassai minnerpaaffianiitinniarlugit siuttusariaqarpugut.

Inuiaqatigiinni aningaasarsiornikkut ingerlatitsisut arlallit unittooqqapput, silarsuarmilu aningaasarsiorneq ajutooqqarujussuarpoq aamma nunani naliginnaasumik nukittuumik aningaasarsiortiugaluartuni.

Suliffeqarfippassuit Corona sioqqullugu aningaasarsioloruarsimasut artorsartinneqassapput, isertitarisartakkatik amerlanersaat annaassussaangamikkit. Ilai ikiorsusutit aqqutigalugit pisortanit utertinneqassapput, akissarsianut aningaasartuutit nunarput matoqqatillugu aamma pisortanit ajornanngikkaangat tapersiutigineqassapput, taammaakkaluartorli amerlasuut tunniutiinnartariaqassapput suliffiuititillu, arlaliullutik imaluunniit kisimiillutik pigisatik matusariaqassavaat.

Ataatamali oqariartarneratuut, "Sunaluunniit ajornerpaaffiminiikkaluarluni arlaatigut iluaqtissartaqartuaannarpooq". Suliffeqarfifit; aaqqissunneqarsimanersi misissorluarsiuk, akiliisinhaassuseqarnersi tamakkerlugu misisorsiuk, aningaasartuutisi millisarsigit, naggataatigullu siunissamut ungasinnerusumut pilersaarusioritsi.

Nittartakkatigut atortussianik atuillaqqisisimavugut. Nunatta matunerata takutissimavaa qanoq ililluta nittartakkatigut sulisinnaanersugut qanorlu sulisussarsiorsinnaanersugut. Suliffeqarfifit nutaanik niuernermi najoqquaqalersimapput. Immitsinnut aperisariaqalerpugut; nutaaliornerit sorliit matuma ajutoornersuup pinngortissinnaavai?

Ajornartorsiornermi aqtsineq iliuuseqapallassinnanermik tunngaveqartariaqarpoq. Ajornartorsiornerup qaangiunnissaa utaqqiinnarlugu aalajagiinissaq kinguartinneqarsinnaangilaq, taamaammallu suliffeqarfutitta nukuttuffii sanngiiffiilu ersarississapput, imaassinjaavorlu tunngaviusumik suliat allanngortinngikkaluarlugit allatoqqinnaaq sulisoqartalersinnaasoq.



2020-imni aningaaarsiorfissaangaluaq periarfissaajunnaarpoq. Ukiup ingerlanera immissinnut nukittorsarnissamut atorsiuk, nunarpullu mittarfeqarfittaartornissaanut piareersarsiuk. Suliffeqarfutiutis ussassaarinertigut nutaaliorfigisigit, taamaalilluni suliffiutisi immikkuullarissusaat takornarissanut ersarisarlugit, taamaalillatalu nunarput takornariaqaqqilernissamut piareersarlauassavarput.

Nappaassuarmik eqqugaangutta eqqugaanngikkuttaluunniit akisunaassaqaarput eqqatsinniittut tamarmik ajutoornermik eqqugaasimammata. Nunatsinni, nunanilu allani atugassanik tunisassiornermi, nioqqutissiornermi aammalu sullissinikkut niueqatigisartakkagut eqqugaasimapput.

Covid-19 tuniluukkunnaarpat nunani amerlanerpaani suli pisortani namminersortunilu aningaaasoriorneq ajutooqqassaaq, tamannalu aamma nunatta karsianut, nunatsinnilu suliffeqarfinnut minnernut anginernullu atuuppoq.

Kalaallit Nunaata inuussutissassiornermi aaqqissuunneqarsimanera suliffeqarfinnit minnerusunik, annerusunillu tamakkiisumik ilaannakortumilluunniit pisortanit pigineqartunit ilisarnaateqarpoq.

Qularineqassangilaq pisortat maanna piffimmi pisariaqvavissortumik akulerunnerat suliffeqarfinnut sulisunullu aaliagiisuusimasoq, tamannali nunatta, nunallu assigiinngitsut akornganni aningaaasoriormerut ungasinnerusumut, minnerunngitsumillu ajutoornersuaq peqqinnissatigut aningaaasatigullu qanoq kinguneqartitsissanersoq suli naluarput.

Tassaangallarpullu Demokraatinit oqallinnermut ilanngukkusutagut.